

Josip Ajvazović, dipl.inž.geod.



Dana 15.10. 2009. godine nakon kratke i teške bolesti preminuo je naš kolega Josip Ajvazović.

Kolega Ajvazović je sahranjen na mjesnom groblju u Gornjem Docu nadomak Travnika, a ispraćen je od strane obitelji, rodbine i mnogobrojnih prijatelja i sugrađana.

Josip je rođen 01.05.1958. godine u Gornjem Docu kod Travnika. Osnovnu i srednju školu završio je u Travniku. Nakon završetka srednje škole upisuje se na Odsjek za geodeziju Građevinskog fakulteta Univerziteta u Sarajevu koji uspješno završava 1982. godine. Kao priznanje za postignut uspjeh u toku studija Građevinski fakultet ga nagrađuje knjigom Viša geodezija I.

Po završetku studija zapošljava se u Međuopćinsku geodetsku upravu općina Travnik i Pucarevo (sadašnji Novi Travnik), gdje radi prvo kao pripravnik, poslije kao referent za stručno-operativne poslove (poslovi održavanja katastarskog operata), a kasnije je postao i direktor. Jedno vrijeme radio je na istim poslovima u općini Vitez.

U životu mu je velika potpora bila supruga Lucija s kojom je živio u skladnom braku u kojem je imao sinove Zvonimira, Karla i Filipa.

Bio je prije svega stručan, a uz to još i ambiciozan tako da je jedno vrijeme obavljao funkciju predsjednika HKD „Napredak”, podružnica Travnik, a bio je i aktivni član Geodetskog društva Herceg Bosne.

Kolegu Josipa ćemo pamtiti kao vedrog, vitalnog i nasmijanog i naravno uvijek raspoloženog za pomoć kolegama i prijateljima.

Njegovom smrću geodetska struka je izgubila vrsnog stručnjaka, a kolege velikog prijatelja i saradnika.

Neka mu je hvala za sve što je učinio.

Jusuf Topoljak